

宋
名
家
詞

宋詞二集叙

宋人詞多不入正

集好事家所爲

總集如曾氏及

今什汝南陳氏
者亦無幾以法
失傳是亦多虞山
子晉毛兄想其

久而果遷也蓋
盡取諸家詞刻
之先是已行蜀
久故以六十字
家詞

矣至是周美集

以十家以成帙

日有美而求已子

吾於書無弗爲

無弗讀宋人之
集其政子多爲
父宗秦漢爲詩
宗并元大曆宋人

之詞其餘能盡

之所能嗜之不處

也汝南之耕穡編

也實如蘇吳生徒

之後生文學天
性推吳人自昔
有就恨無從起
悔伯復共賞此

夫詞之爲用也

之則曲正言之即

樂也六爲十二時

之詞宋固用之

廟用之昭達且

因沿至以昭代

為烈曲可小樂

不可小也子多

編善將備樂一經

於宗侯子古之云

樂者之宗擇雅

第為紅牙素管

李太白通宋人看

詞宋人自水之曰

步瀟曰寫真甚

曰勸淫浸史後人

卑其格律爲體

謝子晉筆無以張

宋存詞之傳功步

詞諸家故不細

庚子夏之朔海

鹽胡震亨遊安

識

題周美成詞

文章政事初非兩塗學之優者
發而為政必有可觀政有其暇
則遊藝於詠歌者必其才有餘

刃者也溧水為負山之邑官賦
浩穰民訟紛沓似不可以絃歌
為政而待制周公元祐癸酉春
中為邑長于斯其政敬簡民到

于今稱之者固有餘愛而其尤
可稱者於撥煩治劇之中不妨
舒嘯一觴一詠句中有眼膾炙
人口者又有餘聲、洋、乎在

耳則其政有不亡者存余慕周
公之才名有年于茲不謂於八
十餘載之後踵公舊蹤既喜而
且媿故自到任以來訪其政事

於所治後圃得其遺致有亭曰
姑射有堂曰蕭閒皆取神仙中
事揭而名之可以想像其襟抱
之不凡而又覩新綠之池隔浦

之蓮依然在目抑又思公之詞
其撫寫物態曲盡其妙方思有

以發揚其聲之不可忘者而未

能及乎暇日從容式燕嘉賓歌

者在上果以公之詞為首唱夫
然後知邑人愛其詞乃所以不
忘其政也余欲廣邑人愛之
意故裒公之詞旁摭遠紹僅得

百八十有二章釐為上下卷廼
輟俸餘鳩工鑊木以壽其傳非
惟慰邑人之思亦蘄傳之有所
托俾人聲其歌者足以知其味

之優於為邑如此故冠之以序
而述其意云公諱邦彥字美成

錢塘人也淳熙歲在上章困敦

孟陬月圉赤奮若晉陽強煥序

片玉詞序

五

汲古閣

片玉詞目錄

卷上

瑞龍吟

一調

風流子

二調

華胥引

一調

意難忘

一調

宴清都

一調

蘭陵王

一調

鏤窗寒

一調

隔浦蓮近拍

一調

蘇幙遮

一調

早梅芳近

二調

四園竹

一調

驀山溪

一調

側犯 一調

齊天樂 一調

荔枝香近 二調

水龍吟 一調

六醜 一調

塞垣春 一調

掃花遊 一調

夜飛鵲 一調

滿庭芳 一調

花犯 一調

大酺 一調

霜葉飛 一調

法曲獻仙音 一調

渡江雲 一調

應天長 一調

玉樓春 五調

傷情怨

一調

品令

一調

木蘭花令

一調

秋蕊香

一調

菩薩蠻

一調

玉團兒

一調

醜奴兒

三調

感皇恩

二調

宴桃源

二調

月中行

一調

漁家傲

二調

定風波

一調

蝶戀花

十調

紅羅襖

一調

少年遊

四調

還京樂

一調

解連環

一調

綺寮怨

一調

玲瓏四犯

一調

丹鳳吟

一調

憶舊遊

一調

拜星月慢

一調

倒犯

一調

減字木欄花

一調

木蘭花令

一調

鷓鴣山溪

二調

青玉案

一調

一剪梅

一調

水調歌頭

一調

南柯子

一調

關河令

一調

鵲橋仙令

一調

花心動

一調

雙頭蓮

一調

長相思

四調

大有

一調

萬里春

一調

鶴冲天

二調

卷下

解語花

一調

鐃陽臺

三調

過秦樓

一調

解蹀躞

一調

蕙蘭芳引

一調

六么令

一調

紅林擒近

二調

滿路花

二調

氏州第一 一調

尉遲盃 一調

塞翁吟 一調

遶佛閣 一調

慶春宮 一調

滿江紅 一調

丁香結 一調

三部樂 一調

西河 二調

一寸金 一調

瑞鶴仙 二調

浪淘沙慢 二調

西平樂 一調

玉燭新 一調

南鄉子 五調

望江南 二調

浣溪沙

十調

浣溪沙慢

一調

點絳脣

四調

夜遊宮

三調

訴衷情

三調

一落索

二調

迎春樂

二調

虞美人

六調

醉桃源

二調

鳳來朝

一調

垂絲釣

一調

粉蝶兒慢

一調

紅窗迥

一調

念奴嬌

一調

黃鸝遶碧樹

一調

鬢雲鬆令

一調

芳草渡

一調

歸去難

一調

燕歸梁

一調

南浦

一調

醉落魄

一調

畱客住

一調

長相思慢

一調

看花迴

二調

月下笛

一調

補遺

十六字令

一調

浣溪沙

二調

憶秦娥

一調

柳梢青

一調

南鄉子

一調

蘇幙遮

一調

畫錦堂

一調

齊天樂

一調

女冠子

一調

片玉詞目

五

汲古閣

二二

片玉詞目錄終

片玉詞卷上

宋 周邦彥

瑞龍吟

章臺路。還見褪粉梅梢。試萼桃樹。愔愔坊陌人。
家。定巢燕子。歸來舊處。黯凝佇。因記箇人癡。
小乍窺門戶。侵晨淺約宮黃。障風映袖。盈盈笑
語。前度劉郎重到。訪隣尋里。同時歌舞。唯有
舊家秋娘。聲價如故。吟牋賦筆。猶記燕臺句。知

誰伴名園露飲。東城閒步。事與孤鴻去。探春盡

是傷離意緒。官柳低金縷。歸騎晚。纖纖池塘飛

雨。斷腸院落一簾風絮。

按此詞自章臺路至歸來舊處是第一段自黯

黯作至盈盈笑語是第二段此謂之雙搜頭屬

正平調自前度劉郎以下卽犯大石係第三段

至歸騎晚以下四句再歸正平坊刻皆干聲價

如故分段者非。侵晨淺約宮黃或作宮粧非

攷梁簡文詩約黃能效月李賀詩宮人面靨黃

。詹記燕臺句或作蘭臺句非攷李義山柳枝

詩序云柳枝洛中里娘也年十七不聘余從昆

讓山北柳枝居爲近他日春陰讓山下馬柳枝

南柳下詠余燕臺詩柳枝驚問誰人爲是讓山

曰此吾少年叔耳柳枝手斷長帶結讓山爲贈

叔乞詩明日子策馬出其巷柳枝丫鬟畢粧抱
立扇下風陣一袖指曰若叔是後三日隣當去
淺稻水上以博
山香侍與郎俱

風流子

楓林凋晚葉。關河迥。楚客慘將歸。望一川、暝靄。
雁聲哀怨。半規涼月。人影參差。酒醒後、淚花銷。
鳳蠟。風幙卷金泥。砧杵韻高。喚回殘夢。綺羅香
減。牽起餘悲。亭臯分襟地。難堪處、偏是掩面
牽衣。何況怨懷長結。重見無期。想寄恨、書中銀

片玉詞
二
鈎空滿斷腸聲裏玉筯還垂多少暗愁密意唯有天知

又

新綠小池塘風簾動碎影舞斜陽羨金屋去來舊時巢燕土花繚繞前度莓牆繡閣裏鳳幃深幾許聽得理絲簧欲說又休慮乖芳信未歌先噎愁轉清商
遙知新粧了開朱戶應自待月西廂最苦夢魂今宵不到伊行問甚時却與佳

音密耗寄將秦鏡偷換韓香天便教人霎時厮

見何妨

寄將秦鏡偷換韓香一作秦女韓郎非
攷賈元文悅韓壽美姿遂通焉竊奇香

以與壽樂府云盤龍明鏡餉秦嘉辟
惡生香寄韓壽美成全用此作對

華胥引

川原澄映煙月冥濛去月似葉岼足沙平蒲根
水冷畱雁唼別有孤角吟秋對曉風鳴軋紅日
三竿醉頭扶起還怯離思相縈漸看看鬢絲
堪鑷舞衫歌扇何人輕怜細閱點檢從前恩愛

片玉詞

汲古閣

鳳牋盈篋愁剪燈花夜來和淚雙疊

舞衫歌扇
一作舞靴

非魏詩云舞衫飄
細殺歌扇掩輕紗

意難忘

衣染鴛黃愛停歌駐拍勸酒持觴低鬟蟬影動
私語口脂香簷露滴竹風涼拚劇飲淋浪夜漸
淡籠燈就月子細端相知音見說無雙解移
宮換羽未怕周郎長顰知有恨貪耍不成粧些
箇事惱人腸試說與何妨又恐伊尋消聽息瘦

損容光

周璠少精音樂雖三爵之後其有闕誤璠必知之必顧故時人語云未怕周郎

一作江郎非攷
曲有誤周郎

宴清都

地僻無鐘鼓殘燈滅夜長人倦難度寒吹斷梗
風翻暗雪灑窗填戶賓鴻漫說傳書算過盡千
儔萬侶始信得庾信愁多江淹恨極須賦淒
涼病損文園微絃乍拂音韻先苦淮山夜月金
城算草夢魂飛去秋霜半入清鏡歎帶眼都移

舊處愛久長不見文君歸時認否

蘭陵王

柳

柳陰直煙縷絲絲弄碧隋堤上曾見幾番拂水
飄綿送行色登臨望故國誰識京華倦客長亭
路年去歲來應折柔條過千尺閒尋舊蹤跡
又酒趁哀絃燈照離席梨花榆火催寒食愁一
箭風快半篙波暖回頭迢遞便數驛望人在天
北悽惻恨堆積漸別浦縈迴津堠岑寂斜陽

冉冉春無極
念月榭攜手露橋聞笛
沉思前事
似夢魂裏淚暗滴

醵窗寒

寒食

暗柳啼鴟單衣竚立小簾朱戶桐陰半畝靜醵
一庭愁雨灑空堦夜闌未休故人剪燭西窗語
似楚江暝宿風燈零亂少年羈旅遲暮嬉遊
處正店舍無煙禁城百五旗亭喚酒付與高陽
儔侶想東園桃李經春小唇秀靨今在否到歸

時定有殘英待客攜罇俎

時刻或于遲暮下分段

隔浦蓮近拍

山山縣圖始射亭避暑作

新篁搖動翠葆曲徑通深窈夏果收新脆金丸
落驚飛鳥濃藹迷岼草蛙聲鬧驟雨鳴池沼水
亭小浮萍破處簾花簷影顛倒綸巾羽扇困
臥北窗清曉屏裏吳山夢自到驚覺依前身在

江表

時刻或于池沼下分段。金丸落驚飛鳥一作金丸落飛鳥注引李賀詩云間把金

丸落驚飛鳥按譜第四句第五句皆三字宜作金丸落驚飛鳥攷韓嫣好彈以金爲丸打飛鳥一

日所失十餘人爭拾之特人爲之語曰若飢寒
逐金九。簾花簷影一作簷花簾影杜子美詩
云燈前細雨簷花落盡簷前雨映燈光如花爾
或改簷前細雨燈花落便無致味周美成用簷
花若溪漁隱病其與本意未合
花菴詞選作簾花簷影今從之

蘇幕遮

燎沉香消溽暑鳥雀呼晴侵曉窺簷語葉上初
陽乾宿雨水面清圓一一風荷舉故鄉遙何
日去家住吳門久作長安旅五月漁郎相憶否
小檝輕月夢入芙蓉浦

早梅芳近

譜無
近字

花竹深房櫳好夜閒無人到隔窗寒雨向壁孤
燈弄餘照淚多羅袖重意密鶯聲小正魂驚夢
怯門外已知曉去難畱話未了早促登長道
風披宿霧露洗初陽射林表亂愁迷遠覽苦語
縈懷抱謾回頭更堪歸路杳

又

繚牆深轂竹繞宴席臨清沼微呈纖履故隱烘

簾自嬉笑粉香粧暈薄帶繫腰圍小看鴻驚鳳
翦滿座歎輕妙酒醒時會散了回首城南道
河陰高轉露脚斜飛夜將曉異鄉奄歲月醉眼
迷登眺路迢迢恨滿千里草

四園竹

浮雲護月未放滿朱扉鼠搖暗壁螢度破窗偷
入書幃秋意濃閒竚立庭柯影裏好風襟袖先
知夜何其江南路繞重山心知漫與前期奈

向燈前墮淚腸斷蕭娘舊日書辭猶在紙雁信
絕清宵夢又稀

驀山溪

湖平春水藻荇繁船尾空翠撲衣襟拊輕棹遊
魚驚避晚來潮上迤邐沒沙痕山四倚雲漸起
鳥度屏風裏周郎逸興黃帽侵雲水落日媚
滄洲泛一棹夷猶未已玉簫金管不笑美人遊
因箇甚煙霧底偏愛尊羹美

側犯

暮霞霽雨小蓮出水紅粧靚風定看步韞江妃
照明鏡飛螢度暗草秉燭遊花徑人靜攜豔質
追涼就槐影金環皓腕雪藕清泉瑩誰念省
滿身香猶是舊荀令見說胡姬酒爐寂靜煙鎖

漠漠藻池苔井

誰念省滿身香猶是舊荀令或作舊時令非攷荀令年十五體

能生香擬國婚之選不欲連姻帝室遠遁長沙故李端贈郭駙馬詩云焚香荀令偏怜小。見說胡姬酒爐寂靜或作文姬非攷辛延年詩云晉有霍家奴姓馮名子都依倚將軍勢謔笑酒

片玉詞

八

汲古閣

家胡胡姬年十五春日獨當爐長裾連理帶
廣袖合歡襦左傳注胡姬乃齊景公妾也

齊天樂

綠蕪彫盡臺城路殊鄉又逢秋晚暮雨生寒鳴
蛩勸織深閤時聞裁剪雲窗靜掩嘆重拂羅裯
頓疎花簾尚有練囊露螢清夜照書卷 荆江
畱滯最久故人相望處離思何限渭水西風長
安亂葉空憶詩情宛轉凭高眺遠正玉液新蒨
蟹螯初薦醉倒山翁但愁斜照歛

荔枝香近

照水殘紅零亂風喚去盡日惻惻輕寒簾底吹
香霧黃昏客枕無憀細響當窗雨看兩兩相依
燕新乳樓下水漸淥遍行舟浦算往朝來心
逐片颿輕舉何日迎門小檻朱籠報鸚鵡如今
誰念淒楚

清真集作共
剪西窗密炬

又

夜來寒侵酒席露微泫舄屐初會香澤方薰無

端暗雨催人但怪燈偏簾卷回顧始覺驚鴻去
遠大都世間最苦唯聚散到得春殘看卽是
開離宴細思別後柳眼花鬚更誰剪此懷何處
消遣

水龍吟

梨花

素肌應怯餘寒豔陽占立青蕪地樊川照日靈
關遮路殘紅歛避傳火樓臺妬花風雨長門淡
閉亞簾櫳半溼一枝在手偏勾引黃昏淚別

有風前月底布繁陰滿園歌吹朱鉛退盡潘妃
却酒昭君乍起雪浪翻空粉裳縞夜不成春意
恨玉容不見瓊英謾好與何人比

六醜

薔薇謝
後作

正單衣試酒恨客裏光陰虛擲願春覓畱春歸
如過翼一去無迹爲問花何在夜來風雨葬楚
宮傾國釵鈿墮處遺香澤亂點桃蹊輕翻柳陌
多情最誰追惜但蜂媒蝶使時叩窗隔東園岑

寂 漸蒙籠暗碧靜遶珍叢底成歎息長條故
惹行客似牽衣待話別情無極殘英小強簪巾
幘終不似一朵釵頭顫裊向人歌側漂流處莫
趁潮汐恐斷鴻尚有相思字何由見得或于時
叩窗隅
分段字句稍異○恐斷鴻尚有相思字或作恐
斷紅上有相思字非詩云來春縱有相思字三
月天南
斷雁飛

寒垣春

算色分平野傍葦岸征帆卸煙深極浦樹藏孤

館秋景如画漸別離氣味難禁也更物象供瀟
灑念多才渾衰減一懷幽恨難寫追念綺窗
人天然自風韻閑雅竟夕起相思謾嗟怨遙夜
又還將兩袖珠淚沈吟向寂寥寒燈下玉骨爲
多感瘦來無一把

掃花遊

清真集作
掃地花

曉陰翳日正霧靄煙橫遠迷平楚暗黃萬縷聽
鳴禽按曲小腰欲舞細遶回堤駐馬河橋避雨

信流去一葉怨題今到何處
春事能幾許任
占地持盃埽花尋路淚珠濺俎嘆將愁度日病
傷幽素恨入金徽見說文君更苦黯凝竚掩重
關徧城鐘鼓

夜飛鵲

別情

河橋送人處良夜何其斜月遠墮餘輝銅盤燭
淚已流盡霏霏涼露霑衣相將散離會探風前
津鼓樹杪參旗花驄會意縱揚鞭亦自行遲

迢遞路回清野人語漸無聞空帶愁歸何意重
經前地遺鈿不見斜迳都迷兔葵燕麥向殘陽

影與人齊但徘徊班草欹歔酹酒極望天西

兔葵

燕麥或作莢葵非劉禹錫自遠州承召過玄都
觀後復主客郎中重遊玄都惟兔葵燕麥搖動
春風耳。但徘徊班草或作青草非王介甫詩云
班草數行衣上淚與班荆同義

滿庭芳

夏日深水
無想山作

風老鶯雛雨肥梅子午陰佳樹清圓地卑山近
衣潤費爐煙人靜鳥鶯自樂小橋外新綠濺濺

片玉謠

十二

汲古閣

凭欄久黃蘆苦竹擬泛九江船
年年如社燕
飄流瀚海來寄脩椽且莫思身外長近罇前顚
賴江南倦客不堪聽急管繁絃歌筵畔先安簟
枕容我醉時眠

花犯

梅詠

粉牆低梅花照眼依然舊風味露痕輕綴疑淨
洗鉛華無限佳麗去年勝賞曾孤倚冰盤同燕
喜更可憐雪中高樹香篝熏素被
今年對花

最匆匆相逢似有恨依依愁顙吟望久青苔上
旋看飛墜相將見脆圓薦酒人正在空江煙浪
裏但夢想一枝瀟灑黃昏斜照水

大酺

春雨

對宿煙收春禽靜飛雨時鳴高屋牆頭青玉旆
洗鉛霜都盡嫩梢相觸潤逼琴絲寒侵枕障虫
網吹粘簾竹郵亭無人處聽簷聲不斷困眠初
熟奈愁極頻驚夢輕難記自憐幽獨行人歸

意速最先念流潦妨車轂
怎奈向蘭成顚顚樂
廣清羸等閒時易傷心目
未怪平陽客雙淚落
笛中哀曲況蕭索青蕪國
紅糝鋪地門外荆桃
如菽夜遊共誰秉燭

怎奈向蘭成顚顚蘭成
庾信小字一作蘭臺非

霜葉飛

露迷衰草疎星掛涼蟾低下林表
素娥青女鬪
嬋娟正倍添悽悄
漸颯颯丹楓撼曉橫天雲浪
魚鱗小見皓月相看又透入清輝半
餉特地畱

照迢遞望極關山波穿千里度日如歲難到
鳳樓今夜聽秋風奈五更愁抱想玉匣哀絃閉
了無心重理相思調念故人牽離恨屏掩孤顰
淚流多少

法曲獻仙音

蟬咽涼柯燕飛塵幙漏閣籤聲時度倦脫綸巾
困便湘竹桐陰半侵庭戶向抱影凝情處時聞
打窗雨耿無語歎文園近來多病情緒嬾尊

片玉語

十四

汲古閣

酒易成間阻縹緲玉京人想依然京兆眉嫵翠

幙深中對微容空在純素待花前月下見了不

教歸去

或于時開打窗雨下分段。漏閣籤聲時度或作漏閣非難人掌銅漏傳籤于

殿中者令投籤于階上使鏗然有聲漏籤乃籌

籤也。微容室在純素或作微容非崔徽善

渡江雲

晴嵐低楚甸暝迴雁翼陣勢起平沙驟驚春在

眼借問何時委曲到山家塗香暈色盛粉飾爭

作妍華千萬絲陌頭楊柳漸漸可藏鴟堪嗟

清江東注画舸西流指長安日下愁宴關風翻

旗尾潮濺烏紗今宵正對初弦月傍水驛深艤

蒹葭沉恨處但時時頻剔燈花

或作銀花非吳融剪刀賦鶯聲

轉曉画眉而頻剔燈花

應天長

寒食

條風布暎霏霧弄晴池臺徧滿春色正是夜坐
無月沉沉暗寒食梁間燕社前客似笑我閉門

愁寂亂花過隔院芸香滿地狼籍長記邨回
時邂逅相逢郊外駐油壁又見漢宮傳燭飛煙
五侯宅青青草迷路陌強載酒細尋前迹市橋
遠柳下人家猶自相識

坊刻或遺條風至正是二十字

玉樓春

按譜木蘭花令實是一調又如滿庭芳與顰陽臺蕪幕遮與鬢雲鬆令之類俱同調而異名前後錯見姑仍之

當時攜手城東道月墮簷牙人睡了酒邊誰使
客愁輕帳底不教春夢到別來人事如秋草

應有吳霜侵翠葆夕陽深鎖綠楊門一任盧郎

愁裏老

盧郎一作庾郎非攷盧家郎年暮爲校書晚娶崔氏女崔有詞翰結褵之後微

有嫌色盧因請詩爲戲崔立成云不怨檀郎年紀大不怨檀郎官職卑自恨妾身生較晚不見

盧郎年

少時

又

或另見別卷或刻秦少游

玉琴虛下傷心淚只有文君知曲意簾烘樓迫

月宜人酒暝香融春有味萋萋芳草迷千里

惆悵王孫行未已天涯回首一銷魂二十四橋

歌舞地

又

大堤花豔驚郎目秀色穠華看不足休將寶瑟
寫幽懷坐上有人能顧曲平波落照涵蘋玉
画舸亭亭浮淡綠臨分何以祝深情只有別愁
三萬斛

又

玉奩收起新粧了鬢畔斜枝紅裊裊淺嚔輕笑

百般宜試著春衫應更好
裁金簇翠天機巧
不稱野人簪破帽滿頭聊作片時狂頓減十年
塵土貌

又

桃溪不作從容住秋藕絕來無續處當時相候
赤欄橋今日獨尋黃葉路
煙中列岫青無數
雁背夕陽紅欲暮人如風後入江雲情似雨餘

黏地絮

當時相候赤欄橋絕妙詞
選作當時無奈鳥聲哀

傷情怨

枝頭風信漸小看算鴉飛了又是黃昏閉門收
返照江南人去路杳信未通愁已先到怕見
孤燈霜寒催睡早

品令

梅
花

夜闌人靜月痕寄梅梢疎影簾外曲角欄干近
舊攜手處花霧寒成陣應是不禁愁與恨縱
相逢難問黛眉曾把春衫印後期無定腸斷香

銷盡

花霧寒成陣或刻花發霧寒成陣按譜第五句宜五字且沈詩落花紛似霧增一發

字便

少味

木蘭花令

暮秋餞別

郊原雨過金英秀風掃霜威寒入袖感君一曲

斷腸歌送我十分和淚酒古道塵清榆柳瘦

繫馬郵亭人散後今宵燈盡酒醒時可憐朱顏

成皓首

秋蕊香

乳鴨池塘水暝風緊柳花迎面午粧粉指印窗
眼曲裏長眉翠淺聞知社日停針線貪新燕
寶釵落枕夢魂遠簾影參差滿院

菩薩蠻

銀河宛轉三千曲浴鳬飛鷺澄波淥何處望歸
舟夕陽江上樓天憎梅浪發故下封枝雪深
院捲簾看應憐江上寒

玉團兒

清真集
不載

鉛華淡竚新粧束好風韻天然異俗彼此知名
雖然初見情分先熟 爐煙淡淡雲屏曲睡半
醒生香透肉賴得相逢若還虛過生世不足

醜奴兒

詠梅

肌膚綽約真仙子來伴冰霜洗盡鉛黃素面初
無一點粧 尋花不用持銀燭暗裏聞香零落
池塘分付餘妍與壽陽

又

下二闕清
真集不載

南枝度牘開全少疎影當軒一種宜寒自共清
蟾別有緣江南風味依然在玉貌韶顏今夜
凭欄不似釵頭子細看

又

香梅開後風傳信繡戶先知霧濕羅衣冷豔須
攀最遠枝高歌羌管吹遙夜看卽分披已恨
來遲不見娉婷帶雪時

感皇恩

露柳好風標嬌鶯能語獨占春光最多處淺顰
輕笑未肯等閒分付爲誰心子裏長長苦 洞
房見說雲深無路憑仗青鸞道情素酒空歌斷
又被濤江催度怎向言不盡愁無數

又

清真集
不載

小閣倚晴空數聲鍾定斗柄垂寒暮天靜朝來
殘酒又被春風吹醒眼前猶認得當時景 往
事舊懽不堪重省自歎多愁更多病綺窗依舊

片玉詞

汲古閣

敲遍關干誰磨斷腸明月下梅搖影

宴桃源

塵暗一枰文繡淚濕領巾紅皺初暝綺羅輕腰
勝武昌官柳長晝長晝閒臥午窗中酒

塵暗一枰文繡

清真集作塵
一說文繡

又

門外迢迢行路誰送郎邊尺素巷陌雨餘風當
面濕花飛去無緒無緒閒處偷垂玉筍

月中行

蜀絲趁日染乾紅微暝口脂融博山細篆靄房
櫳靜看打窗蟲愁多膽怯疑虛幙聲不斷算

景疎鐘圓圍四壁小屏風淚盡夢啼中

團圍四壁小屏

風一作團團一面小屏風非孫亮作圓琉璃屏風多布螢其中月下清夜舒之常籠四姬皆比絕色使入四座屏風內望之若無隔惟香氣不通于外

漁家傲

灰暝香融銷永晝蒲萄上架春藤秀曲角欄干

羣雀鬪清明後風梳萬縷亭前柳 日照釵梁
光欲溜循堦竹粉霑衣袖拂拂面紅新着酒沉
吟久昨宵正是來時候

又

幾日輕陰寒惻惻東風急處花成積醉踏陽春
懷故國歸未得黃鸝久住如相識 賴有蛾眉
能喚客長歌屢勸金盃側歌罷月痕來照席貪
歡適簾前重露成涓滴

定風波

莫倚能歌歛黛眉此歌能有幾人知他日相逢
花月底重理好聲須記得來時苦恨城頭傳
漏永□□無情豈解惜分飛休訴金樽推玉臂
從醉剛朝有酒遣誰持

蝶戀花

柳詠

愛日輕明新雪後柳眼星星漸欲穿窗牖不待
長亭傾別酒一枝已入騷人手淺淺柔黃輕

蠟透過盡冰霜便與春爭秀強對青銅簪白首
老來風味難依舊

愛日軒明新雪後清真
集作緩日輕明新霽後

又

桃萼新香梅落後葉暗藏鴟冉冉垂亭牖舞困
低迷如著酒亂絲偏近遊人手 雨過蒙隴斜
日透客舍青青特地添明秀莫話揚鞭回別首
渭城荒遠無交舊

又

小閣陰陰人寂後翠幙寒風燭影搖疎牖夜半
霜寒初索酒金刀正在柔荑手粉薄絲輕光
欲透小葉尖新未放雙眉秀記得長條垂鵲首
別離情味還依舊

又

柳詠

蠢蠢黃金初脫後暝日飛綿取次黏窗牖不見
長條低拂酒贈行應已輸先手鸞擲金梭飛
不透小榭危樓處處添奇秀何日隋堤繫馬首

路長人倦空思舊

又

早行○或作臥樓梧另入別卷

月皎驚鳥栖不定更漏將闌輾輾牽金井喚起
兩眸青炯炯淚花落枕紅綿冷執手霜風吹
鬢影去意徘徊別語愁難聽樓上闌干橫斗柄
露寒人遠鷄相應

又

下五闕青真集不載

魚尾霞生暈遠樹翠壁黏天玉葉迎風舉一笑

相逢蓬海路人間風月如塵土
剪水雙眸雲鬢吐醉倒天飄笑語生青霧
此會未關須記取
桃花幾度吹紅雨

又

美盼低迷情宛轉愛雨怜雲漸覺寬金釧
桃李香苞秋不展
深心黯黯誰能見
宋玉牆高纔一覘
絮亂絲繁苦隔春風面
歌板未終風色便
夢爲蝴蝶畱芳甸

片玉詞

二十四

汲古閣

又

晚步芳塘新霽後春意潛來迤邐通窗牖午睡
漸多濃似酒韶華已入東君手嫩綠輕黃成
染透燭下工夫洩漏章臺秀擬插芳條須滿首
管交風味還勝舊

又

葉底尋花春欲算折遍柔枝滿手真珠露不見
舊人空舊處對花惹起愁無數却倚欄干吹

柳絮粉蝶多情飛上釵頭住若遣郎身如蝶羽
芳時爭肯拋人去

又

酒熟微紅生眼尾半額龍香冉冉飄衣袂雲壓
寶釵撩不起黃金心字雙垂耳愁入眉痕添
秀美無限柔情分付西流水忽被驚風吹別淚
只應天也知人意

紅羅襖

西燭尋懽去羸馬載愁歸念取酒東壚罇罍雖
近採花南圃蜂蝶須知 自分袂天闊鴻稀空
懷乖夢約心期楚客憶江離算宋玉未必爲秋
悲

少年遊

感舊

并刀如水吳鹽勝雪纖指破新橙錦幄初溫獸
香不斷相對坐吹笙 低聲問向誰行宿城上
已三更馬滑霜濃不如休去直是少人行

獸香不斷

一作手香不斷非長安巧工作博山香爐爲奇
禽怪獸煙自口中出○相對坐吹笙或用王建
宮詞沉香火底坐吹笙句
清真集又作相對坐調箏

又

簷牙縹緲小倡樓涼月掛銀鈎
聒席笙歌透簾燈火風景似揚州
當時面色欺春雪曾伴美人遊
今日重來更無人問獨自倚欄愁

又

荆川
作

南都石黛埽晴山衣薄奈朝寒
一夕東風海棠

片玉詞

二十六

汲古閣

花謝樓上捲簾看
而今麗日明如洗
南陌暝
雕鞍舊賞園林喜
無風雨
春鳥報平安

又

後雨

朝雲漠漠散輕絲
樓閣澹春姿
桺泣花啼九街
泥重門外燕飛遲
而今麗日明金屋
春色在
桃枝不似當時小
樓衝雨幽恨兩人知

還京樂

禁煙近觸處浮香
秀色相料理
正泥花時候奈

何客裏光陰虛費望箭波無際迎風漾日黃雲
委任去遠中有萬點相思清淚到長淮底過
當時樓下慇懃爲說春來羈旅況味堪嗟悞約
乖期向天涯自看桃李想如今應恨墨盈牋愁
粧照水怎得青鸞翼飛歸教見顚顚

解連環

譜名玉連環。怨別

怨懷無託嗟情人斷絕信音遼邈縱妙手能解
連環似風散雨收霧輕雲薄燕子樓空暗塵鎖

一牀絃索想移根換葉盡是舊時手種紅藥

汀洲漸生杜若料舟依岸曲人在天角記得當

日音書把閒語閒言待總燒却水驛春迴望寄

我江南梅萼拚今生對花對酒爲伊淚落

清真集拚

今生爲伊對花對酒淚落。縱妙手能解連環

一作信妙手能把連環非攷秦始皇遺齊君王

后玉連環田齊國多智能解此環否以示羣臣

羣臣不知解君王后引推破之謝秦使曰謹以

解矣

綺寮怨

上馬人扶殘醉曉風吹未醒映水曲翠瓦朱簷
垂楊裏乍見津亭當時曾題敗壁蛛絲罩淡墨
苔暈青念去來歲月如流徘徊久嘆息愁思盈
去去倦尋路程江陵舊事何曾再問楊瓊舊
曲淒清歛愁黛與誰聽樽前故人如在想念我
最關情何須渭城歌聲未盡處先淚零

或于徘徊久嘆

息下
分段

玲瓏四犯

穠李夭桃是舊日潘郎親試春豔自別河陽長
負露房煙臉顚顚鬢點吳霜細念想夢魂飛亂
嘆画闌玉砌都換纔始有緣重見夜深偷展
香羅薦暗窗前醉眠蔥蒨浮花浪蕘都相識誰
更曾擡眼休問舊色舊香但認取芳心一點奈
又片時一陣風雨惡吹分散

細念想夢魂飛亂
按譜第十卷六言

無細
字

丹鳳吟

春恨

迤邐春光無賴翠藻翻池黃蜂遊閣朝來風暴
飛絮亂投簾幙生憎算景倚牆臨岨杏靨天斜
榆錢輕薄晝永惟思傷枕睡起無憀殘照猶在
庭角 況是別離氣味坐來但覺心緒惡痛飲
澆愁酒奈愁濃如酒無計銷鑠那堪昏暝蔽蔽
半簷花落弄粉調朱柔素手問何時重握此時
此意生怕人道著

憶舊遊

清真集
不載

記愁橫淺黛淚洗紅鉛門掩秋宵墜葉驚離思
聽寒蟬夜泣亂雨蕭蕭鳳釵半脫雲鬢窗影燭
花搖漸暗竹敲涼疎螢照曉兩地魂消迢迢
問音信道徑底花陰時認鳴鑣也擬臨朱戶嘆
因郎顚顚羞見郎招舊巢更有新燕楊柳拂河
橋但滿眼京塵東風竟日吹露桃

拜星月慢

夜色催更清塵收露小曲幽坊月暗竹檻燈窗

識秋娘庭院笑相遇似覺瓊枝玉樹相倚暝日
明霞光爛水眇蘭情總平生稀見 画圖中舊

識春風面誰知道自到瑤臺畔眷戀雨潤雲溫

苦驚風吹散念荒寒寄宿無人館重門閉敗壁

秋蟲嘆怎奈向一縷相思隔溪山不斷水眇蘭情或作

木眇蘭情非韓詩云吳魚嶺
雁無消息水眇蘭情別日多

倒犯詠月○清真
集作吉了犯

霽景對霜蟾乍昇素煙如掃千林夜縞徘徊處

漸移深窈。何人正弄孤影。踟躕西窗悄。冒露冷
貂裘。玉笋邀雲表。共寒光飲清醪。淮左舊遊。
記送行人。歸來山路寫。駐馬望素魄。印遙碧金
樞小。愛秀色初娟好。念漂浮縣縣。思遠道。料異
日宵征。必定還相照。奈何人自老。
共寒光飲清醪或作清醪

非韻攷蜀都賦置
酒高坐鵬以清醪

減字木蘭花

清真集
不載

風鬟霧鬢便覺蓬萊三島近。水秀山明縹緲仙。

姿画不成 廣寒丹桂豈是天桃塵俗世只恐
藥風飛上瓊樓玉宇中

木蘭花令

清真集不載。原本二首攷殘
春一陣狂風雨是六一詞刪去

歌時宛轉饒風措鶯語清圓啼玉樹斷腸歸去
月三更薄酒醒來愁萬緒 孤燈翳翳昏如霧
枕上依稀聞笑語惡嫌春夢不分明忘了與伊
相見處

驀山溪

此二闕清
真集不載

樓前疎柳柳外無窮路翠色四天垂數峰青高
城闊處江湖病眼偏向此山明愁無語空凝竚
兩兩昏鴉去平康巷陌往事如花雨十載却
歸來倦追尋酒旗戲鼓今宵幸有人似月嬋娟
霞袖舉盃深注一曲黃金縷

又

江天雪意夜色寒成陣翠袖捧金蕉酒紅潮香
凝沁粉簾波不動新月淡籠明香破豆燭頻花

減字歌聲穩 恨眉羞歛往事休重問人去小
庭空有梅梢一枝春信檀心未展誰爲探芳叢
消瘦盡洗粧勻應更添風韻

青玉案

清真集
不載

良夜燈光簇如豆占好事今宵有酒罷歌闌人
散後琵琶輕放語聲低顫滅燭來相就 玉體
偎人情何厚輕惜輕怜轉唧溜雨散雲收眉兒
皺只愁彰露那人知後把我來僝僽

一剪梅

清真集
不載

一剪梅花萬樣嬌
斜插疎枝略點眉梢
輕盈微笑舞低回
何事樽前拍手誤招
夜漸寒深酒漸消
袖裏時聞玉釧輕敲
城頭誰恁促殘更
銀漏何如且慢明朝

水調歌頭

中秋寄李伯紀大觀
文○清真集不載

今夕月華滿
銀漢瀉秋寒
風纏霧捲
宛轉天陞
玉樓寬
應是金華仙子
又喜今年藥就
收拾山

河影都向鏡中蟠□□□□□橫霜竹吹明
月到中天要令四海遙望千古此輪安何處今
年無月唯有謫仙著語高絕莫能攀我故喚公
起雲海路漫漫

南柯子

清真集
俱不載

寶合分時菓金盤弄賜冰曉來堦下按新聲恰
有一方明月可中庭露下天如水風來夜氣
清嬌羞不肯傍人行颺下扇兒拍手引流螢

又

膩頸凝酥白輕衫淡粉紅碧油涼氣透簾櫳指
點庭花低映雲母屏風恨逐瑤琴寫書勞玉
指封等閒贏得瘦儀容何事不教雲雨略下巫
峰

又

詠梳
兒

桂魄分餘暈檀槽破紫心曉粧初試鬢雲侵每
被蘭膏香染色深沉指印纖纖盼釵橫隱隱

金有時雲雨鳳幃深長是枕前不見殢人尋

關河令

清真集不載
時刻清商怨

秋陰時晴漸向暝變一庭淒冷佇聽寒聲雲深
無雁影更深人去寂靜但照壁孤燈相映酒
已都醒如何消夜永

鵲橋仙令

清真集
不載

浮花浪蕊人間無數開遍朱朱白白瑤池一朵
玉芙蓉秋露洗丹砂真色晚涼拜月六銖衣

動應被姮娥認得翩然欲上廣寒宮橫玉度一聲天碧

花心動

清真集
不載

簾捲青樓東風滿楊花亂飄晴晝蘭袂褪香羅
帳褰紅繡枕旋移相就海棠花謝春融暝侵人
恁嬌波頻溜象床穩鴛衾謾展浪翻紅綳一
夜情濃似酒香汗漬鮫綃幾番微透鸞困鳳慵
姮娥雙眼画也画應難就問伊可煞於人厚梅

夢露臙脂檀口從此後纖腰爲郎管瘦

雙頭蓮

清真集
不載

一抹殘霞幾行新雁天染斷紅雲迷陣影隱約
望中點破晚空澄碧助秋色門掩西風橋橫斜
照青翼未來濃塵自起咫尺鳳幃合有人相識
歎乖隔知甚時恣與同攜懽適度曲傳觴竝
鶉飛鸞綺陌画堂連夕樓頭千里帳底三更盡
堪淚滴怎生向總無聊但只聽消息

長相思

曉行。清真集俱不載

舉離觴掩洞房
箭水泠泠刻漏長
愁中看曉光
整羅裳
脂粉香
見埽門前車上
霜相持泣路傍

又閨怨

馬如飛
婦未歸
誰在河橋見
別離修楊委地垂
掩面啼人
怎知桃李成陰
鴛鴦哺兒
閒行春盡時

又

舟中作

好風浮晚雨，收林葉陰陰。映鷁舟斜陽，明倚樓。
黯凝眸，憶舊遊。艇子扁舟來，莫愁石城風浪。

秋

又

沙棠舟小，棹遊池水，澄澄人影浮錦鱗。遲上鉤。
煙雲愁，簫鼓休。再得來時，已變秋。欲歸須少

留

卞玉詞

汲古閣

大有

清真集
不載

仙骨清羸沈腰顚顚見傷人驚怪消瘦柳無言
雙眉盡日齊鬪都緣薄倖賦情淺許多時不成
懽偶幸自也總由他何須負這心口 令人恨
行坐呪斷了更思量沒心永守前日相逢又早
見伊仍舊却更被溫存後都忘了當時倻懽便
撈撮九百身心依前待有

萬里春

清真集
不載

千紅萬翠簇定清明天氣爲憐他種種清香好
難爲不醉 我愛深如你我心在個人心裏便
相看老却春風莫無些歡意

鶴冲天

溧水長壽鄉作
清真集俱不載

梅雨霽暑風和高柳亂蟬多小園臺榭遠池波
魚戲動新荷 薄紗厨輕羽扇枕冷簟涼深院
此時情緒此時天無事小神仙

又

片玉詞

白角簾碧紗厨梅雨乍晴初謝家池畔正清虛
香散嫩芙蕖日流金風解愠一弄素琴歌舞
慢搖紈扇訴花牋吟待晚涼天

片玉詞卷上

終一